



Broj: 01-04-8-1244/21-4  
Datum: 13.1.2022. godine

Na osnovu člana 64. stav 1. tačka b), člana 70. stav 1., 3. i 6. Zakona o javnim nabavkama BiH („Službeni glasnik BiH“, broj 39/14), člana 39. Statuta Općine Travnik ("Službene novine Općine Travnik", broj 11/05 - Prečišćeni tekst), a u vezi s preporukom Komisije za javne nabavke broj: 01-04-8-1244/21-3 od 13.1.2022. godine, načelnik Općine Travnik, **d o n o s i**

## **R J E Š E N J E**

### **o poništenju postupka javne nabavke**

- 1) Poništava se postupak javne nabavke radova: „Izvođenje radova na izgradnji kanalizacije u naselju Podolac, ul. Ante Vlaića, MZ Nova Bila“ iz razloga što su cijene svih prihvatljivih ponuda znatno veće od osiguranih sredstava za predmetnu nabavku.
- 2) Za izvršenje ovog Rješenja zadužuje se Služba za obnovu, izbjeglice, raseljena lica i stambene poslove
- 3) Ovo Rješenje objavit će se na web-stranici Općine Travnik, istovremeno sa upućivanjem ponuđačima koji su učestvovali u postupku javne nabavke, shodno članu 70. stav 6. Zakona o javnim nabavkama

## **O b r a z l o ž e n j e**

Postupak javne nabavke radova: „Izvođenje radova na kanalizaciji u naselju Podolac, ul. Ante Vlaića, MZ Nova Bila“, bez podjele na lotove pokrenut je Rješenjem o pokretanju postupka javne nabavke broj: 01-04-8-1244/21 od 9.12.2022. godine. Javna nabavka provedena je putem otvorenog postupka. Procijenjena vrijednost javne nabavke bez uračunatog PDV-a iznosi 20.513,00 KM.

Na osnovu obavještenja o nabavci 54-1-3-162-3-105/21, tenderske dokumentacije 01-04-8-1244/21, koji su dana 15.12.2021. godine istovremeno objavljeni u informacionom sistemu "E-nabavke", proveden je postupak prikupljana ponuda za nabavku radova na na izgradnji kanalizacije u naselju Podolac, ul. Ante Vlaića, MZ Nova Bila. Rok za dostavljanje ponuda u skladu sa tenderskom dokumentacijom bio je 4.1.2022. godine.

Komisija za javnu nabavku imenovana je Rješenjem broj: 01-30-10-1356/21 od 27.12.2021. godine, te je shodno Članu 63. Zakona o javnim nabavkama BiH u sjedištu ugovornog organa, izvršila javno otvaranje u roku dostavljenih ponuda. Javnom otvaranju je prisustvovao ovlašteni predstavnik ponuđača „Dževkomerc Inženjering“ d.o.o. Zavidovići. Zapisnik o otvaranju ponuda ponuđačima je prosljeđen u zakonskom roku.

Komisija je izvršila analizu dokumentacije priložene uz ponude u smislu propisane forme, suštinske provjere sadržaja i njihove validnosti obzirom na iskazane zahtjeve ugovornog organa u tenderskoj dokumentaciji, odnosno izvršila ocjenu ponuda u skladu s procedurama i pravilima utvrđenim tenderskom dokumentacijom, Zakonom o javnim nabavkama BiH, pripadajućim podzakonskim aktima i internim aktima ugovornog organa, o čemu je sačinila odgovarajući zapisnik u kojem je utvrđeno sljedeće:

- Da su ukupno prispjele 3 (tri) ponude;
- Da su blagovremeno zaprimljene 3 (tri) ponude;
- Da nije bilo neblagovremenih ponuda;

OB 001

Strana 1 od 2

- Da su ponude ponuđača prihvatljive;
- Da nema neprihvatljivih ponuda.

Obzirom na to da je ugovorni organ u tenderskoj dokumentaciji i Obavještenju o nabavci predvidio primjenu e- aukcije, u skladu sa članom 4. stav (2) Pravilnika, e – aukcija za je održana dana 7.1.2022. godine sa početkom u 09,00 sati i predviđenim početnim trajanjem od 10 minuta. Izvještaj o toku i završetku e – aukcije dostaviće se u prilogu ovog Rješenja.

**Rangiranje prihvatljivih ponuda nakon e – aukcije prema kriteriju za izbor ponude:** Kriterij za dodjelu ugovora je „najniža cijena“.

NAZIV PONUĐAČA	Početna cijena ponude u KM	Cijena ponude nakon e – aukcije u KM	Postotak umanjenja	RANG
„DOBOJPUTEVI“ d.d. Doboj Jug	29.742,19	29.670,00	0,24 %	1
„ADO TRANS“ d.o.o. Visoko	34.470,70	29.700,00	13,84 %	2
„DŽEVKOMERC INŽENJERING“ d.o.o. Zavidovići	39.959,66	39.959,66	0 %	3

Komisija za ovu javnu nabavku je uputila načelniku općine i službi pokretaču javne nabavke dopis broj 01-04-8-1244/21 od 7.1.2022. godine i zatražila mišljenje po pitanju obezbjeđenja dodatnih sredstava za radove kako bi dala preporuku za zaključenje ugovora ili poništenje dijela postupka. Naime, Komisija je konstatovala da je ponuda prvorangiranog ponuđača prihvatljiva ali premašuje procijenjenu vrijednost za ugovor.

Služba za obnovu, izbjeglice, raseljena lica i stambene poslove je Komisiji za javne nabavke dostavila mišljenje od 13.1.2022. godine u kojem se navodi da nije u mogućnosti obezbijediti dodatna novčana sredstava za ovu nabavku.

U postupku je utvrđeno da je Komisija u svemu pravilno postupila, te da je preporuka o poništenju postupka nabavke data u skladu sa Zakonom o javnim nabavkama. Naime, u postupku predmetne nabavke utvrđeno je da je cijena prihvatljive ponude znatno viša od osiguranih sredstava za predmetnu nabavku, odnosno procijenjena vrijednost nabavke je 20.513,00 KM bez PDV-a, a cijena prvorangirane prihvatljive ponude iznosi 29.670,00 KM bez PDV-a.

Iz navedenih razloga, primjenom člana 69. stav 2. tačka e) Zakona o javnim nabavkama, odlučeno je kao u dispozitivu ovog Rješenja.

#### POUKA O PRAVNOM LIJEKU:

Protiv ovog Rješenja može se izjaviti žalba Uredu za razmatranje žalbi BiH putem Ugovornog organa, u pisanoj formi, najkasnije u roku od deset dana od prijema istog. Naknada za žalbu je propisana članom 108. Zakona o javnim nabavkama. Žalba se podnosi u dovoljnom broju primjeraka, koji ne može biti manji od tri.

Obradila: Aida Kavazović, dipl.iur.

#### DOSTAVITI:

1. Ponuđaču x 1
2. Arhiva.



**N A Č E L N I K**

**dr.sci.Kenan Dautović**  
**PO OVLAŠTENJU NAČELNIKA**  
**SEKRETAR OPĆINE**

*Aida Daul, dipl.iur.*